

小魚字游樂

第二十三集

沙灘大作戰

開場

。主題音響起，小魚字游樂標題出

漢堡包作菜市場羊肉販打扮，肉檔上寫上「包記羊肉」。漢堡包拿着切肉刀，把一大塊的羊肋骨快速切成單件帶骨羊架



。肉排變甲骨文[], 再變成小篆[], 再變成楷書[肉]，「肉」衍生出另一個「月」
包:今集嘅部首係 [肉] ， 大家留意故事之中同 [肉] 有關嘅字詞呀！

第一幕

時:某週日早上

地:往沙灘的路上

人:大熊校長、五色戰隊(紅小魚、橙Cherry、黃文文、綠佳佳、藍哲哲)！

。小魚五人(身穿校服)在地平線上出現，一起向前跑！

熊(在小魚手錶屏幕出現):你地今日嘅任務，就係要去消滅對地球最大**威脅**嘅敵人！

字詞:**威脅**

五人(齊聲):知道校長！

小魚(大叫):變身！

。五人邊跑邊變身成為五色戰隊

第二幕

時:早上

地:沙灘

人:魚五人、塑膠怪獸、大熊校長

。沙灘周圍滿佈垃圾

五人(齊聲):哇～個沙灘好多**塑膠**垃圾呀～

字詞:**塑膠**

。「唧」的一聲，**塑膠**怪獸從垃圾堆中彈出！

五人(齊聲):**塑膠**怪獸？！

。**塑膠**怪獸造型:以不同**塑膠**垃圾堆砌出來的怪獸，包括車軌/膠樽/膠水管

獸:唧～成個沙灘都鋪滿**塑膠**垃圾～唧唧唧～真係見到都開心呀～

魚五人(叉腰手指獸):**塑膠**怪獸！今日我地要嚟消～滅～你！

獸(仰天大笑):消滅我？唧～唧～唧～我全身**肌肉**都係最難分解嘅**塑膠**，你地點消滅我呀！

字詞:**肌肉**

獸(忽然大喝，腰一挺):**塑膠**車軌！

。**車軌**飛出，緊緊套着魚

。**哲哲**四人上前要幫忙:游小魚！

獸(又再大喝，手一伸):**塑膠**魚網！

。**魚網**飛出，將五人(包括小魚)，全部都網住！

獸(洋洋得意):唧！唧！唧！你地越係想**擺脫**個**魚網**，佢就會收得越緊啲喇～

字詞:**擺脫**

獸:唧～我全身都係**塑膠**武器，你地點同我鬥呀～

五人(不憤):可～惡～呀～放開我地呀！

獸:放開你地？唔好講笑啦～

獸(裝作深情唱歌):我有一個**塑膠**身體☒內有一副**鑽石心腸**☒

成語:**鑽石心腸**

五人(齊聲):五～色～波～波！

。**魚網**忽然透射五色光芒，膨脹成球體，直滾向**塑膠**怪獸！

。**波波**如保齡球般把**塑膠**怪獸撞散，怪獸身體七零八落遍佈地上

。**五色**戰隊回復自由(擺出團隊姿勢):YEAH～！

獸(散落的頭部):只要我嘅身體流入海洋(**塑膠**垃圾在海上飄浮)分解成為膠粒，畀魚類食咗(大魚

小魚吞食膠粒)到最後我都會去返人類個肚到～(小魚一家吃魚)

獸:唧～唧～唧～你地可以打敗我，但係冇可能消滅我喇～

五人(齊聲):可惡呀～！

魚:我地唔可以畀D**塑膠**垃圾流入海洋！

熊(畫外音):冇錯！

五人(轉面齊聲):大熊校長！

熊(擺出變身姿勢):變~身~!

。大熊校長變身清潔工人模樣,手執清潔夾子及垃圾袋

。熊把獸的頭夾起,投進垃圾袋中!(獸不停叫:喂!喂!喂!)

熊:拯救地球,我地就由呢個沙灘開始啦~

五人(點頭,齊聲):知道,校長!

DoubleDouble